

mina nec venti irruentes cadere faciunt, quia fundatum est supra firmam petram.

Quid enim pluvia nisi concupiscentia intelligitur, a qua quisque tentatur, quae sensim rigorem fidei emollit, et in voluptatibus disflueat? Quid flumina, nisi omnium vitiorum torrens, ad movendam sive destruendam hanc virtutem stabilitatis domum congregatus? Quid venti; nisi malignorum spirituum consilia perversa, quae per sensualitatem sibi familiarem pedisquam spiritui hominis, quem perverso moliuntur, sine intermissione insibilant?

Irruentes ergo pluviae, flumina, venti in hanc vir-

A tutum domum impingere possunt, quia omnium tentationum genera, universa vitiorum monstralia electorum mentem vera et perfecta stabilitate suo creatori adhaerentem pulsare vel tentare queunt, sed movere vel nocere nequeunt, quia fundata est supra petram, id est veram fidem, spem et charitatem sui Creatoris, quam fidem, quam spem, quam charitatem gignit, nutrit et custodit in nobis a Deo nobis insitu dolum divinum Deo simillime rationis. *Explicit liber de corporis, sensuum et mentis stabilitate in monasterio Tegernsee xiv. Kal. Decemb. anno 1444.*

ANONYMI BENEDICTINI

Qui circa seculum XII scripsit

DIALOGUS DE ESU VOLATILIUM

Num is in Regula S. Benedicti cœnobitis fortibus et sanis indulitus sit.

(D. Bern. PEZIUS, *Thesaurus Aneclot.*, t. II, parte II, col. 546.)

MONITUM.

Cum sanctissimus legislator noster Regulae sue capite 39, certum quendam, qui a monachis suis perpetuo in eibo et potu servaretur, modum, et eduliorum genera vellet describere, his post quedam verbis est usus: *Carnum vero quadrupedum omnino ab omnibus abstineatur comedio, præter omnino debiles et ægrotos.* Quæ beati Benedicti sententia incredibile est, quantum a primis fere ordinis sui sæculis usque ad ætatem nostram opinionem diversitatem generaverit, alius existimatibus, ed regulari decreto carnium et unummodo quadrupedum, non itidem bipedum et volatilium esu monachis interdicti; alii contra affirmantibus, omnium universe carnium comedionem ea monachis lege prohiberi. Rationes partium qui nosse desiderant, adeant amplissimum P. Edmundi Martene commentarium in *Regulam S. Benedicti*, ubi ad caput 39 ea de re cumulate disputat, et singula defensorum esus volatilium dicta recenset. Omnia co- recidunt: S. Benedictum non sine causa et ratione loco citato carnes quadrupedum expressisse, non quorūcumque animalium; itaque vescentem volatilibus S. Benedicto nequaquam adversari. Idem monachis in concilio Aquisgranensi Ludovico Pio imperatore indultam suisse. Generalem cœnobitarum consuetudinem et prælatorum dispensationem ejusmodi aucupium licitum fecisse. Denique liquidum esse tam pisces quam volucres ex aquis procreatos habere corpora ejusdem naturæ, nec tantum vim humanis corporibus ad lasciviendum carnes volatilium ministrare, quantam carnes terrestrium animalium, quæ cum nostris corporibus ejusdem naturæ sint, ut ratiocinatur Petrus Abælardus *Exposit. in Hexam.* apud Martenum in *Thesauro novo Aneclotorum* tom. V, col. 1388. Ilas omnes aliasque plures ratiunculas valide refellit auctor hujus dialogi, demonstratque nullum sanum et valentem cœnobitam aut volatilium vesci, aut sagina vix, quin Regula S. Benedicti prævaricator existat. Quod si cui nostri temporis cœnobitæ displiceruerit, eaque propter is parum prudeenter a nobis factum censuerit, quod ejusmodi libellos protulerimus, in quibus receptissimi ætatis nostræ mores et vulgatissimas consuetudines reprehendantur: is cogitet, nos nemini legem, ad quam vitam exigat, præscribere, sed ostendere tantummodo, qui sancti Dei homines de hujusmodi rebus existimaverint, voluisse. Superiorum erit expendere veterum dicta et momenta, quotidieque amplius conari, ut ea Regula, cui et ipsi et monachi sunt subjecti, non secundum laxas recentiorum interpretationes, sed secundum scita majorum et doctrina sanctitatemque celeberrimorum hominum usum consuetudinemque servetur. Ad hæc semperne ad ollas carnium sedebimus, o boni? Semperne surdis veluti auribus adeo perspicua, et salubria sanctissimi Patris nostri decreta de abjiciendis carnibus præteribimus? Nullane spes supersit, in tanta necessiarum commodarumque rerum copia veterem tristissimamque carnibus abstinenendi consuetudinem recuperandi? Licet nobis hoc loco verbis Venerabilis Petri, quanti viri! uii lib. vi, epist. 15 hujus capituli (59 Regulae S. Benedicti) prævaricatio qua ratione excusabitur? Qua causa sospes et integris viribus monachus carnis utens reus non esse monstrabitur? Dic, quæso, si quid habes, et [si] aliqua vera rel. veriusimilis ratio est, carnis tibi, si potes vindica. Non habes, non habes, inquam, ut aestimo, quid dicas; non habes plane, unde perjurii nævum, ne dicam, noram expuges: obvia Regula, contradicit justitia. Hæc sanctissimus abbas Cluniacensis. Plura in hanc rem alio loco præseremus. Interim vel solus hic Dialogus, quem nunc publici juris facimus, viris accuriosis regularis observantiae studiosis ad imitanda præclara veterum exempla sat stimuli addet. Eum ex codicibus mss. bibliothecæ Gemnicensis et Mellicensis trecentorum annorum damus. Alius insignis membraneus codex, ducentis circiter annis antiquior existat in bibliotheca Gotiæicensi, cum quo tauen ob triste incendium, quo totum monasterium conflagravit, et communem inde rerum perturbationem, nostram editionem conferre non licuit. Porro quis elegantis Opusculi auctor fuerit, divinare non possumus. Suscipiat sumus aliquandiu Honorium Augustodunensem esse, ut cui familiare fuerit, argumentum scriptoris dialogo exponere, in quo interroget Discipulus, Magister respondeat. Annueret etiam ætas hominis. Nam cum sub finem operis Gregorii VII, nullo autem loco Innocentii III, Honorii III, aut Gregorii IX, quorum de esu carnium constitutiones, auctori nostro perquam comodinde accidissent meminerit, vix dubitari potest;

eum sœculo circiter duodecimo floruisse. Verum quia nec Honorius ipse libro *De luminaribus Ecclesiæ* inter sua opuscula hunc Dialogum recenset, nec ullus codex nomen Honorii præfert, rejecta ea opinione rem incertam relinquere satius visum fuit.

Incipit Dialogus cuiusdam magistri de esu volatilium, non licito monachis sanis (17).

Discipulus. Velim scire, si ex Regula Sancti Benedicti, eximii præceptoris monachorum, esus volatilium indultus sit sanis monachis. Videtur enim mihi et multis aliis mecum in id ipsum sentientibus (18); quod præfatus institutor permiserit nobis volatilia comedere, dum nos nominatim ab esu *quadrupedum* (19) tantum curavimus suspendere.

Magister. Ita multi intellexerunt et docuerunt. Verum ut utar verbis Apostoli scribentis Philippen-sibus (cap. iii): *Si quid aliter sapimus, id ipsum revelavit nobis Deus.*

Disc. Mihi, obsecro, ne abscondas, quid de hac re ex diffinitiva (20) sententia sentiendum tenendumque, Deo revelante, censeas; ut illud: *Qui audit, dicat, veni* (Apoc. xxii), adimpleas. Ita enim poterit fieri, ut fortasse meliora et saluti viciniora a te audiens, caliginem carnalis intelligentiae ab oculis cordis incipiam detergere, et lumen spiritualis scientiae illuminatus agnoscerem.

Mag. Faciam, quantum Deus mihi vires dabit; nec me petilio tua gravabit: si tantum doctrinæ sanæ auditum et assensum volucris accommodare, et ratione percepta, contra propriam conscientiam, veritatem caveris impugnare.

Disc. Ne verearis. Non enim arbitror esse aliquam confusionem sic a te vinei, ut et ipsi vincam meam falsam opinionem. Tu quoque a me præmonitus et præmunitus caveas, ne per ingenii tui subtilitatem et linguae volubilitatem, verba antedicti Patris ad contrarium noxiunque sensum intorqueas (21).

Mag. Non placeat Deo.

Disc. Primum ergo est, ut versiculum, qui est in Regula ejusdem præceptoris, multis vel maxima causa dubitationis, probabili expositione debeas interpretari; quoniam non parum mœre sententiae videtur astipulari, tue vero multum videtur refragari. Est autem talis (22): *Carnium vero quadrupedum ab omnibus abstineatur comedio, præter omnino debiles et ægrotos.* Prudens enim lector, qui ex minime maxima, et ex paucis plura solet colligere, sequipollenter hic valet intelligere: quod carnes volatilium in cibum sanis monachis a beato Benedicto concedantur, dum eis tam expresse carnes quadrupedum denegantur. Alioquin nulla ratio videtur esse, quod idem Pater carnes quadrupedum

(17) Cod. Mel. *Dialogus more didascalico per quemdam editus de esu et abstinentia carnium professorum Regulæ S. Benedicti fortium et sanorum.*

(18) Cod. Mel., *consentientibus.*

(19) Cod. Mel., *quadr. carnium.*

A singulariter hoc in loco posuit, et infirmis indulxit; si non indifferenter volatilia tam sanis quam ægrotis in esum concessit.

Mag. Cavillationum tuarum versutia, simpliciorem fratrum infirmam percutis conscientiam; quatenus eis sub colore veritatis muscipulam injicias, et quasi vera dicendo decipias. Porro video, te laborare, quoniam non vis verum diceré; et quia animalis es, non potes ea, quæ sunt Spiritus Dei, percipere.

Disc. Quia ergo animalis ego, ut verbis tuis utar, non possum præmissum versum Regulæ spiritualiter intelligere: dic tu, si sanorem intellectum exinde vales colligere, unde sensum meum possis collidere (23).

Mag. Faciam, si mihi prius paulisper interroganti respondeas (24).

Disc. Interroga, ut libet.

Mag. Quid tibi videtur Benedictus intellexisse, cum alibi dicit (25): *A carnibus solito more omnes abstineant?*

Disc. Congrua moribus pii doctoris agis, dum sententiam, quæ contra te est, mihi ad medium vel memoriam reducerè satagis. Quid enim est aliud: *A caribus omnes abstineant*, quam quod superius dixi, ut videlicet sani volatilia tantum, ægroti vero tam volatilia quam quadrupedia comedant?

Mag. Ut video, carnalis es; et ideo hunc quoque locum, quemadmodum superiorem, carnaliter et pueriliter exponis. Lex autem per Benedictum data, et sancta, et bona est legitime per eam currentibus, et spiritualiter eam intelligentibus; verum adeo tandem insipida, et a prisca sui mercantate per carnalem non intelligentium eam quorundam monachorum observantiam, ut ita dixerim, facta est vapida; ut nisi aqua legis in vinum, id est in spiritualem convertatur intellectum, evanescat usque ad defectum.

Disc. Quia igitur carnalis ego, ut tu dicis, loca illa Regula, de quibus sermo est, intelligo carnaliter; tui erit officii, ut exponas ea spiritualiter.

Mag. Vis audire attentius?

Disc. Volo.

D **Mag.** Nota igitur quod Benedictus non tantum dicit: *A carnibus omnes abstineant;* sed addidit:

(20) Cod. Gemn., *diffinita.*

(21) C. Mel., *retorqueas.*

(22) Reg. S. Bened. cap. 34.

(23) C. Mel., *corriger.*

(24) C. Mel., *ad interrogata respondes.*

(25) Reg. cap. 36

more solito. Quia videlicet mos erat antiquissimum et probatissimum monachorum a carnibus abstinere, non modo quadrupedum, sed etiam volatilium, excepta infirmitatis necessitudine. Porro, ut docet ecclesiastica historia, hanc abstinientiam generaliter hi in consuetudine habuerunt, qui in primitiva Ecclesia auctores monachicæ professionis, nomine, exemplo et verbo præfulerunt. Ab hac ergo paterna nobilitate quia Benedictus, corum sequipeda mirabilis, filios suos degenerare nollebat, a carnibus more solito omnes abstinere præcipiebat. Eapropter non dixit specialiter : *ab his vel ab his*; sed generali nomine *a carnibus omnes abstineant*; ut non solum volatilium, sed et quadrupedum esum pari modo sibi esse interdictum in determinatione, quam in *more solito*, fixit, monachi quique non ambigant. Nam salva lege infirmitatis, indigentiae et necessitatis, antiqui Patres nostri non facile inveniuntur in Scripturis authenticis quamlibet carnem sibi indulsisse; quos tam usu quam auctoritate est notissimum, tam a volatilibus quam a quadrupedibus se continuisse. Nam, cum Cassiodorus dicat, dulciores carnes esse in volatilibus quam quadrupedibus; quæratio esset, ut monachi a carnibus quadrupedum abstinerent, et carnes volatilium, quæ sunt dulciores, nisi infirmi, præsumerent? Porro huic nostro sensui, quem diximus, astipulatur Hieronymus scribens ad Savinam (26) in hunc modum : *Procul sint a convivis tuis Phasidis aves, crassæ turtures et omnes aves, quibus amplissima patrimonia avolant. Nec ideo te carnibus vereci non putes, si suum, leporum atque cervorum, et quadrupedum animalium (27) esculentiam reprobes. Non enim hic pedum numero, sed suavitate gustus iudicatur.* Quæ cum ita sint, valde desipit, qui credit Benedictum, sapientia insignem, carnes quadrupedum minus sapidas, quam volatilium, monachis sanis interdixisse: et carnes volatilium (nisi omnino debiles fuerint) indulsisse. Nam quod carnes dulciores sint in volatilibus, quam quadrupedibus, et sancti doctores dicunt, et usus comprobat, in eo quod delicatores et ditiōes hujus saeculi homines, cum plus solito splendide volunt epulari, prælibatis carnis quadrupedum, tandem propter majorem dulcedinem et gustus suavitatem, carnes volatilium sanxerunt sibi ministrari. Præterea ita habet familiarior Ecclesiæ consuetudo, ut propter gustus dulces, non propter numerum pedum, abstinentes secundum scita canonum generaliter a carnis omnibus se contineant. Quia igitur monachi ceteris Ecclesiæ membris amplius debent *corpus castigare*, et *delicias non amare*, haud injuria præcipitur eis (exceptis infirmitatis) *more solito* abstinentium, a carnis omnibus abstinere; ut videlicet incentiva carnis eo facilius possint reprimere. Quæ tunc amplius eos solent titillare, si a majori escarum suavitatem corpus suum nolunt refrenare. Unde

(26) C. Mel., *Salvinam*.
(27) C. Mel., *animantium*.

A sanctorum Patrum prudens diligentia, et magistra experientia sanxit; ut ille cibus debeat esse monachorum, qui sustentationem vitæ tribuat; non, qui pabulum concupiscentiis et vitiis subministret. Mentior, si in hanc sententiam Hieronymus non currit (28), cum dicit : *Ventres carnem portantes carnibus replendos; tironibus autem Christi et sanctis virginibus olera et legumina cum pisciculis aptiora asserens, utpote minus gravantia, et ad expedite serviendum Deo magis expeditibilia.* Huc accedit auctoritas Prudentii, religiosi viri quamvis laici, qui ait in Hymno, quem quasi pro Benedictione prandii composuit : *Absit illa famæ, quæ imitatur bestias, aliorum sitiens cruentem! Et post pauca: In tanta rerum copia, quæ sitis est sanguinis?*

B Disc. Rationibus tuis ulterius non præsumerem refragari, si ita Benedictum intellexisse, validiori aliquo arguento posset approbari.

Mag. Ut video, esum carnium non relinques sine dolore, cui serviisti ex amore.

Disc. Non tibi sit grave, me in sensu tuo adhuc hasitare, tum sive pusillanimitate, et sensus met tarditate, tum pro carnis, quæ repugnat legi mentis, infirmitate. Præterea opinionem meam commendat mihi religiosorum monachorum in his diebus numerositas, et concors in id ipsum defendendum, non facile supplicienda auctoritas.

C Mag. Non dixit Sapientia : *Ego habito in multis, sed habito in consiliis* (Prov. viii); ne quis nostrum in defensione veri de minori numero causetur. Veritas nos consolatur, dicens : *Nolite timere pusillus grex* (Luc. xii). Sed jam ambages istas omittamus, et quasi ad vivum rem ipsam tangentes, ad dirimendam hanc controversiam accedamus.

Disc. Ut rursum ad idem revolvam, quia cum tanta facilitate non potest persuaderi, quod cum magna difficultate necesse est persuasum impleri: non videtur mihi credibile, Benedictum sanis monachis volatilia vetuisse, quem intelligo tantum quadrupedia eis prohibuisse, ubi ait : *Carnium vero quadrupedum ab omnibus abstineatur comedio præter omnino debiles et agrotos.*

D Mag. Crede saltem verum esse, quod dixi; quia, nisi credideris, non intelliges. Ego antem credo et intelligo, ideo Benedictum dixisse sanis monachis a carnis quadrupedum esse abstinendum; ne quilibet eorum dicere posset : Volo quadrupedum carnes, quæ sunt minus dulces quam volatilium, comedere; quia Benedictus eas, quæ sunt dulciores, ut volatilium, tantum mibi vetuit edere; eo quod Scripturæ divinæ ea, quæ ad delectationem corporalem attinent, prohibeant; non quæ ad sustentationem humanæ imbecillitatis atque infirmitatis.

Disc. Si igitur ita est, ut dicas, quare nusquam nominatim interdixit carnes volatilium, quemadmodum quadrupedum?

(28) C. Mel., *c neurit.*

Mag. Secutus est morem sanctorum doctorum, qui solent illam causam specialiter perstringere, quæ potest aliquam dubitationem intacta gignere. Ut Psalmista Aaron, sanctum Domini, non Moysen, commemorat; quia Moysen sanctum fuisse nullus ignorat. Sic Benedictus hoc in loco fecit, ubi de carnibus quadrupedum specialiter abstinendum esse sanis monachis indixit. Alioquin poterat dubitatio hæc concipi, utrum an non propter suam non nimiam dulcedinem deberent sani fratres ex eis refici. Exterum de volatilibus non erat necesse specialiter eum dicere, quod non essent comedenda; quia certus erat ea, utpote dulciora, non esse (nisi ab infirmis) edenda. Porro dulciora esse volatilia quam quadrupedia, ut taceam de noto multis experimento, Cassiodori hoc astruimus documentum; quo dicit, Dominum superasse vota in deserto carnes desiderantium, non carnes eis quadrupedum sugerendo, sed sicut arenam maris volatilia pennata pluendo. Ergo non solum culpabili experientia, sed etiam probabili scientia, asserere possumus, in volatilibus carnes dulciores esse quam in quadrupedibus.

Disc. Negari id nequit.

Mag. Si ergo Benedictus tibi interdixit carnes quadrupedum, in quibus minor est dulcedo; quanto magis volatilium carnes, in quibus major est?

Disc. Unde scis, quia per dulcedinem minorem aniputavit majorem?

Mag. Ratio et exempla, quæ rationi concordant, ita nos dicere compellunt.

Disc. Quæ dicas, videntur quidem esse verosimilia, sed concessu sunt difficilia.

Mag. Qui conclusioni accedere durum putat, æquum est, ut vel falsum aliquid præcessisse demonstret; vel collectionem propositionum non esse efficacem necessariae conclusioni ostendat.

Disc. Concedo vera esse jam dicta, si non obstant dicenda.

Mag. Concessis præcedentibus spes erit concessionis in subsequentibus.

Disc. Licet, quæ dicta sunt, jam aliquatenus yideam, planius tamen a te audire desidero; et quamvis ratio per se clueat, plurimum tamen simplices sedificat, si rationi auctoritas accedit. Probare igitur debes, Benedictum secutum esse morem sacri eloquii, quando in prohibitione quadrupedum, prohibuit volatilia; ut paratus sim ad satisfactionem, omni poscenti de eadem controversia reddere rationem.

Mag. Ex abundanti id a me exigis, quia Sapienti satis est dictum: Faciam tamen quod petis, si non propter amicitiam, saltem propter improbitatem tuam.

Disc. Non ingratus ero auditor, quia juxta illud, Sapientis: *Saturati calcant favum* (29); *animæ au-*

A tem esurienti etiam amara dulcia videntur (*Proc.* xvii).

Mag. Placet quod dicis.

Disc. Perge (30) ut pollicitus es.

Mag. Moris est sanctorum doctorum in re minori (31) comprehendere majorem. Sicut legitur dixisse Dominus ad Jerusalem: *Hæc fuit iniurias sororis tuæ Sodomæ, quia panem suum in saturitate comedit* (*Ezech. xvi*). Ecce per panem intelliguntur diversitates epularum. Et quod ita sit, manifestatur in loco illo, ubi dicitur: *Vidit Lot Sodomam quasi paradisum* (*Gen. xiii*). Si Sodoma quasi paradius erat, non est consequens, ut solummodo intelligamus, illos panem manducasse sine aliis deliciis. Idem habes de Laban, ut dicitur: *Et appositus est panis*. Nunquid solummodo panis appositus fuit sine aliquo pulimento? Sed ut ad id quod cœpimus, jam redeamus, ecce probavi, quia Benedictus comprehendendo in re minori majorem, morem sacri eloquii sit secutus. Tu vero non potes probare, quia non sit secutus. Tene igitur certuin, et dimitte incertum. Amplius, dic, quæso, si Benedictus concessisset mihi sano manducare carnes volatilium; et ego pro amore Dei nolle manducare, esset peccatum, an non?

Disc. Nequaquam.

Mag. Scis quare?

Disc. Quia ipse dixit (32): *Cui Deus dederit maiorem tolerantiam abstinenti; propriam se habiturum mercede se social*.

Mag. Argute respondisti. Rursus, si non concessisset carnes volatilium, et ego concederem, peccarem, an non?

Disc. Non dubium, quin peccares.

Mag. Ergo melius est et tutius, ut dimittamus incertitudinem et teneamus certitudinem. Si enim manducaverimus incolumes, peccatum esse scimus; si vero non manducaverimus omnino, non esse peccatum scimus.

Disc. Ista quidem illis contraria sunt, quæ paulo ante concessa sunt.

Mag. Recte aestimas.

Disc. Cum ergo nullus possit negare, quin carnes tam volatilium quam quadrupedum professoribus Regule Benedicti, nisi infirmi fuerint, ab eodem Patre interdicantur; nunquid, ut quidam dogmatizant, moderni monachi, ejusdem Regule transgressores esse veraciter astruuntur, si sagina quadrupedum, quæ non caro, sed succus carnis esse videtur, sani utuntur?

Mag. Ita vere.

Disc. In Dei nomine quid loqueris? num tulipaulisper oblitus, lethargum pateris? noli esse minimum justus; ne dirigatur ad te illud Salomonis: *Qui multum emulget lac, elicit sanguinem* (33). Pone ergo ori tuo custodiam, quia durus est hic sermo

(29) C. Mel., *anima saturata calcat fav.*

(30) C. Mel., *quod.*

(31) Ib., *in minori comp. majus.*

(32) Reg., c. 40.

(33) C. Mel., *emungit, el. san.*

(Joan. vi.); peregrina est ista sententia; et ideo A Patrum modernorum, quæ non essent in Geth publicanda, nunc in compitis Ascalonis exponendo: potius nudaberis ad derisionem, quam ea post dorsum velando, paternam acquiras benedictionem.

Mag. Veritatem audisti, quam quæsisti: quid igitur mihi succenses?

Disc. Nunquid sagina est caro?

Mag. Est profecto.

Disc. Quid ergo? nunquid illicitus est quoque usus saginæ, quemadmodum et carnis, ut ob ejus esum nos quoque prævaricatores esse Regulæ judeces?

Mag. Non potes hoc ignorare, si non vis errare vel dissimulare.

Disc. Non flos est?

Mag. Unde est ille flos?

Disc. De quadrupedibus.

Mag. Non igitur eum manducare debent alii, nisi omnino debiles et ægroti.

Disc. Si pinguedo est caro, igitur et caseus et lac, eo quod de carne exeant, similiter sunt caro.

Mag. Lac et caseus, quanquam de carne exeant, non tamen proprie caro dicuntur, eo quod caro non in lac transeat; sed ipsi cibi in lac Dei dispositione convertuntur.

Disc. Nunquid non similiter vinum et oleum ligna sunt, quia de lignis exēunt?

Mag. Non sequitur.

Disc. Quid igitur sunt?

Mag. Succus terræ, qui vertitur in vinum et oleum.

Disc. Proba.

Mag. Augustinus dicit: Quotidie Dominus aquam in vinum convertit, cum ipsum succum, qui ex terra nascitur, in vinum vertit. Hujus rei evidens hoc est indicium, quod in vere de incisa vite aqua profluit. Unde dicitur:

Unda merum tribuat; dat modo vitis aquam.

Pinguedinis autem dissimilis ratio est; eo quod ingenio humano caro frumento saginatur, tunditur, coquitur, colatur, pinguedo efficitur: ita ut pene nihil ex ea, nisi scoria, remaneat: ac per hoc caro esse haud injuria ostenditur.

Disc. Timeo, ne forte auditio hoc verbo multis scandalizandi, et usque ad sanguinem oblocutri et renisuri.

Mag. Illic trepidas timore, ubi non est timor. Qui observat ventum, non seminat; et qui considerat nubes, nunquam metet (*Eccle. xi.*). Si enim pro veritate scandalum sumitur, melius est, ut scandalum nascatur, quam veritas relinquatur. Licet etiam alter Nabuzardan quodammodo reviviscens, jam diu muros Jerusalem destruxerit; et licet alter Epicurus longe lateque sectam suam disseminaverit, divinum tamen responsum nos consolatur, dicens: *Reliqui mihi septem millia virorum, qui non curvaverunt genua sua ante Baal* (*Rom. xi.*).

Disc. Nisi linguam et stylum cohibueris pudenda

A Patrum modernorum, quæ non essent in Geth publicanda, nunc in compitis Ascalonis exponendo: potius nudaberis ad derisionem, quam ea post dorsum velando, paternam acquiras benedictionem.

Mag. Erubescere de malo est sapientia, erubescere vero de bono est fatuitatis. Et quia humanum est delinquere, quippe non est homo, qui non possit velut homo falli; diabolicum vero pertinaciter errata defendere: excessum illum, quem diximus, majoribus compassibiles, non insultanter accusamus; sed filiali charitate, memores propriæ fragilitatis, excusamus; si tamen legem Patrum nostrorum antiquissimorum de industria carent impugnare, si eam diu neglectam contendunt renovare, B si temorem suum nolunt defensare; si veritatis facta revelatione, et oblata sibi honesta occasione meliora exemplaria abstinentia gaudenter amplexari studeant, observare et aliis observanda commendare. Non enim, nisi in spiritu lenitatis, arguendus est, qui deliquerit in legem subreptione aliqua fallente, vel necessitate impellente; nisi forte post communionem corrigi nolens, nec de excessu suo dolens, non solum opera sua non vereatur defendere, sed etiam legem procaciter præsumat, et studeat pervertere.

Disc. Sicut relatione multorum didicimus, usus saginæ indultus est monachis in quodam conventu, in quo resedit imperator Pius Ludovicus cum multis religiosis abbatibus, ut volatilia in saginam transferrentur, decernentibus. Num incusas statutum (34) illorum?

Mag. Nunquid recordaris, quod volatilia non esse, nisi infirmorum fratrum, superius concesseris?

Disc. Minime recordor quoniam illud in memoria fixum teneo.

Mag. Judica ergo tu ipse, qua ratione fieri potuerit, ut sagina pro volatilibus relaxaretur, quæ de cætero tam sanis quam infirmis ministraretur. Num laudabile ergo illorum commercium, qui tam timidis par inscriperunt concambium; quo per rem, quam sibi falso putaverunt esse licitam, comparaverunt rem illicitam, non satis attendentes, quam D multi hac libertate in occasione carnis essent abusuri, et sub pallio religionis super hanc noviter introductam consuetudinem corrumpendi? Nam quia a paterna nobilitate degenerantes, stare et tenere traditiones, quas didicerunt, novitate illecti neglexerunt, ideo suam novam legem monachis condiderunt. Et quia sanctæ obedientiæ libellum repudiiscribentes, distinctionem regularis abstinentiæ remiserunt, transgressi sunt terminos antiquos, quos Patres eorum posuerunt. Eheu quot de tam laudibili consuetudine, quam Patres antiquiores (35) habuerunt, ad suggestionem unius sæcularis personæ cesserunt, nec attenderunt, quod Esau pri-

(34) C. Mel., *statuta*

PATROL. CCXIII.

(35) C. Mel., *seniores*.

matum suum per gulam amiserit, nec jus, a quo semel cessit, postmodum pro velle recipere potuerit !

Disc. Dispensationis moderatio nulli unquam sapientum displicuit. Cave ergo, ne insipiens habearis, quia dispensationis illius modificationem adeo vehementer detestaris.

Mag. Dispensatio prælatorum tunc non debet reprehendi, quando non contra majorum suorum aliqua instituta admittunt aut tolerant, quæ tantum Ecclesiæ scandalum non generent; ut videlicet vitam subjectorum suorum in proposito suæ sanctitatis conservare valeant. Dispensationi sane non parva rectorum adhibenda est diligentia, ut non concedant nocitura, nec prohibeant profutura. In hoc autem præfati imperatoris et abbatum conventiculo contra generale votum monachorum admissa est dispensatio, unde nulla utilis vel honesta, secta est compensatio, nec in morum honestate, nec in animarum utilitate. Nam quod sancti monachorum patres et eorum sequipeda Benedictus, (cujus Regula in generali synodo canonizata est) Spiritu sancto dictante, ut credendum est, super abstinentia monachorum instituerunt: hoc istius moderni conventiculi mediatores, inconsulto Romano pontifice (cujus est de omni Ecclesia et de omnium statu personarum judicare) sua nova traditione, falsæ misericordiæ laude provocati immoraverunt. Beatus nempe Gelasius papa Scripturæ indagator solertissimus in *Decretis suis*, ubi cum eruditissimis LXX episcopis, diversorum auctorum tam Græcorum quam Latinorum libros examinavit; ubi diligenter, qui eorum essent recipiendi, vel renuendi, deliberavit; capitulum Ludovici, super usu saginæ admittendæ monachis promulgatum, in hoc ipso respendendum esse monstravit, quod venerabiliter suscipiens Benedicti Regulam capitulo prefato penitus contrariam, canonizatis eam Scripturis annuneraverit. Eapropter abbates, qui cum prædicto imperatore in conventiculo illo dicuntur resedisse, et ejus decreto super usu saginæ, monachis indultæ, creduntur consensisse, quantumlibet venerandi fuerint, nunquam tamen efficere debent, ut aliquid pro eorum reverentia suscipiamus, quod sacræ Benedicti Regulæ, statutisque reliquorum Patrum, qui de vita scripsierunt monachorum, imo Spiritui sancto, horum omnium auctori adversari manifeste deprehendimus. Nec mirum; Regulam enim Benedicti sanctorumque Patrum, generalem super abstinentia carnis institutionem, monachis promulgatam, nullatenus observare valemus; si pro reverentia eorum, quæ relaxato usu saginæ passim sive volatilium in tribus diebus, Natalis Domini, Paschæ quoque et Pentecostes statuerunt, adimplemus.

Disc. Cum ergo inter se discrepent, et se invicem impugnant in hac re modernorum, et antiquo-

A rum instituta monachorum, et necesse sit de duobus contrariis alterum infirmari; velim a te planius audire, quorum auctoritas majoris ponderis debeat æstimari.

Mag. Cum moderni Patres ea, quæ antiquitas sanxit, consuetudo servavit venerabilium Patrum in retroactis temporibus, et auctoritas sacra firmavit, prout voluerunt minuerunt aut immutaverunt; judicare perfacile potest prudentia tua qui plus saluti nostræ, quibus per omnia prodesse debuerunt, contulerint, vel quorum institutio potius sit tenenda; vel quibus obedientia magis sit exhibenda: an illis sanctis Patribus, qui adhuc in Scripturis suis nobis loquuntur; an illis quibus nihil aliud propositum fuit, nisi priorum sequi et honore vestigia? De qua re poterit nos docere Zosimus papa scribens Narbonensis: *Contra statuta Patrum aliquid concedere, vel mutare nec hujus sedis potest auctoritas.* Huc accedit quod generali antiquissimorum Patrum consuetudini, paucorum modernorum non debet præponi vel præjudicare consuetudo. Quidquid enim a paucis præsumitur modernis, quod non per omne corpus Patrum antiquorum (36) tenebatur, aut superfluum, aut elatum nonumque est judicandum, magisque vanitatis specimen quam virtutis ostentat. Illis ergo debemus institutis indubitatam fidem et indiscussam per omnia obedientiam accommodare, non, quæ paucorum modernorum voluntas intulit, sed quæ vetustas tantorum temporum et numerositas sanctorum Patrum concordi diffinitione in posterum promulgavit. Certe Benedictus, qui spiritu omnium justorum plenus fuit, ita rigorem disciplinæ, ita moderationem indulgentiæ vita et doctrina tenuit et docuit, suisque scripturis filios suos sufficienter eruditivit, ut sine illa saginæ temperie, quam moderni Patres admiserunt, nec fortes indulgentia emollire, nec infirmos nimia districtio possit frangere. Ut autem ad summam veniam, quia conventus ille paucorum modernorum, cuius supra meminimus, generali et solemní antiquorum monachorum consuetudini super abstinentia nihil superordinare, nullum præjudicium debuit facere; consulendum est monachis præsentis temporis, ut tandem ad cor redeentes, secundum exemplaria præcedentium Patrum eursum suum studeant dirigere; quatenus periculum eorum, qui vota sua irrita faciunt, valent effugere. An tu aliter existimas?

Disc. Minime, si veritate duce regimur. Sed quoniam te ad solvendum promptissimum esse conspicio, crebras tibi, quæ de hac re fieri adhuc possunt, quæstiones coacervabo; ut veritas ex omni latere, ab omni scrupulositate falsitatis absolvatur, et nullus excusationi locus relinquatur.

Mag. Si ea quæ superius concessa sunt incautiosa servabis, quantaslibet super re hac mihi quæstiones multiplicabis, me in solvendo defescisse

non videbis; nec coram his, qui ex adverso sunt, A legislator (42) : *Carnium usus infirmis debilitibusque pro reparatione virium concedatur. At ubi meliorati fuerint, a carnibus more solito omnes abstineant.* Ecce concordia Regulæ Augustini et Benedicti!

Disc. Adbuc grandis tibi restat via.
Mag. In hac via, Deo duce, non timeo, ne pedem ad lapidem, id est vetustatem litteræ et duritiam offendam; quin potius tibi viam, quæ te ad spiritualem intelligentiam revehat, ostendam.

Disc. Monachis saginam manducantibus canones in adjutorium contra te veniunt, ubi dicunt : *Si quis jus carnium profanaverit, anathema sit (Gal. 1).*

Mag. Hoc dicunt canones propter illos, qui carnes abominantur, ut immundas. Hi tales, ut hoc argumento astruuntur (37), ne carnes abominentur, debent manducare olera, quæ cum carnibus coquuntur. Nam illi, qui carnes non abominantur, sed causa abstinentiæ student non manducare, non tenentur anathemate. Ergo si ita volunt intelligere qui ista dicunt, ut olus (38), in quo carnes coquuntur, manducent abstinentes, qui carnes non abominantur; dicant etiam, ut conjugia contrahant; eo quod in eodem concilio dicatur de conjugio : *Si quis conjugium profanaverit, anathema sit.*

Disc. Ea his, quæ prius concessa sunt, nimium contraire (39) cognosco. Cum igitur carnes non sint refugienda, tanquam immundæ: quæ ratio est, ut monachis denegetur esus (40) earum maxime cum Augustinus dicat in libro *Confessionum*: *Scimus post diluvium Noe et filii ejus omne genus animalium, tam in volucribus quam in his, quæ moventur in terra, et piscibus maris, tanquam olera virentia in cibum tradita; et ideo non reprehendo obsonium, sed concupiscentiam obsonii.* Nam Esau primogenita perdidit lenticula, non carnibus. Unde nihil statui, aut nunquam tangere aut semper edere, sed pro ratione nanc frena ventris restringere, nunc laxare. Apostolus quoque dicit : *Omnia munda mundis (Tit. 1).* Et alibi : *Omnis creatura Dei bona est, nihilque rejici debet, quod cum gratiarum actione percipitur (1 Tim. 4).*

Mag. Hæc quidem libertissime accipimus; et omnimodis approbamus, carnes tanquam immundas non refugientes. Sed consilio ejusdem doctoris gentium acquiescentes, qui dicit : *Bonum est non manducare carnes, et non bibere vinum (Act. xiv),* nihilominus etiam sequimur Augustinum prædictum, nihil statuentes, aut nunquam tangere, aut semper edere; sed pro consideratione virium nunc laxamus frena ventris causa infirmitatis, nunc restringimus. Sicut et in vita ipsius legitur, quod mensa ejus babuerit carnes; non propter fratres cohabitantes et sanos, sed propter hospites et infirmos. Nibilominus quoque sequimur Benedictum Patrem, cuius instituta, si institutis Augustini super abstinentiæ (41) carnis promulgatis conferimus, per omnia sibi tanquam unam faciem et intentionem habentia consonabunt. Ait enim noster

Disc. Negare non possum. Sed cum Apostolus dicat : *Omnia licent (I Cor. vi); et omnis creatura Dei bona est;* itemque abstinentiam carnis in voluntate hominis ponat; dic, quæso, quæ ratio est, ut hæc a monacho, violento imperio quasi necessaria et debita exigatur?

Mag. Rationem, quam tuus adhuc vix somnias animus, putabam jamdudum te intellexisse. Sed inquisitio tua tam puerilis prodit te nondum ad ejus cognitionem pervenisse.

Disc. Tenui quidem veluti rimula, mihi videor B eam aspicere; sed ex te apertius mallem addiscere.

Mag. Promptissima quidem ratio est. Sed tu, quia satis acute distinguis, qui sit inter voluntarium et necessarium statum, ideo oculos cordis, tenebris assuetos, ad lucem perspicue veritatis non potes attollere; nec ego propter ingenii tui tarditatem tibi possum satisfacere.

Disc. Oro te per charitatem, ut meam in spiritu lenitatis sustineas et eruidas importunitatem et cœcitatem.

Mag. Faciam, quoniam *charitas omnia suffert (I Cor. xiii); et tu, quantum mihi videtur, ædificari quæris, non inflari.*

Disc. Recte arbitraris.

Mag. Quibus igitur rationibus ad propositam questionem solvendam accedam, diligenter ausculta.

Disc. Libenter.

Mag. Nota ergo quia, licet Apostolus dicat : *Omnia munda mundis (Tit. 1), consequenter tamen addit : Sed malum est homini, qui per offendiculum manducat (Rom. xiv).* Tale est illud quoque in Evangelio : *Non quod intrat in os, coquinat hominem, sed concupiscentia mala, que procedit de corde (Matth. xv).* Non ergo perceptio carnis, quæ per se bona est et munda, bono usu præsumentem coinquiat; sed eum tantum, qui per offendiculum eam manducat. Vide igitur discrete, quia in culpa non ducitur carnis comedio, sed offendio. Per offendiculum autem est cibum quemlibet manducare, intra metas sobrietatis mensæque frugalis manducantem se per intemperiantiam non frenare; aut exemplo suo proximum infirmum scandalizare, aut per voti prævaricationem Deum exhonorare.

Disc. Si hæc ita se habeant, quomodo a nævo offenditionis excusabimus Spiridionem, Cyprium magnisca sanctitatis virum, quem testatur ecclesiastica historia in diebus jejunii carnes, quas servaverat, hospitibus obtulisse, et cum eis ipse gressasse?

(37) C. Mel., *astruant.*

(38) C. Mel., *jus.*

(39) C. Mel., *convenire.*

(40) C. G., *usus.*

(41) C. G., *abundantia.*

(42) *Reg.*, cap. 56.

Mag. Si saperes, propositum non interrumperes.

Disc. Responsonem vehementiae excusat amor scientiae.

Mag. Spiridionem duabus de causis non reprehendo in hoc facto. Primo quia aliud non habebat; deinde quia sancti viri simplicitas, dignæ hospitalitatis charitate valet excusari. Quod iste semel fecisse legitur, non debent alii per usum imitari. Postremo si Spiridionem imitari vis in carnis co-mestione, imitare et eum in cadaverum allocutione. Si vis edere quando vel quidquid ille edebat, si delectaris cum eo carnibus vesci, jubeas, sicut ille, defunctos e tumulis loqui.

Disc. Non possum, quia non omnia possumus omnes.

Mag. Quia non potes quod velis, velis illud quod possis.

Disc. Ita sit. Quid vero erit de Joanne Baptista, qui delectabilibus cibis utens, carnibus videlicet locustarum et melle silvestri, laudatus est de abstinentia; cum econtra Esau vili et humili cibo, henticula videlicet, ingurgitatus, culpatus sit de gulæ concupiscentia? Nunquid non similiter laudabilius esset abstinentia sine foeda flamma concupiscentiae lautioribus cibis monachos uti, et non repeli, quam foeda gulæ flamma vilibus cibis ingurgitari?

Mag. Qui ad hoc, quod ad persuadendum suscipisti, ista introducis, bono non bene uteris; quia Joannis exemplo quiddam, quod plus obsit indiscretis, quam prosit discretis, suggerere velle videbis. Nam, licet sano modo intellecta, laudabilis atque amplectenda sit tua objectio, itemque digna veneratione et imitatione Joannis refectione; videbis tamen hinc quorundam gulæ, defensionis argumenta præparasse, inde quibusdam parcimoniam æmulatoribus, zelum Dei non secundum scientiam habentibus, districtioris (43) abstinentiae frena relaxasse.

Disc. Tuum ergo est exemplum Joannis in medium prolatum tam sancte, tam intelligibiliter elucidare; ne forte ejus licentia offendiculum infirmis mentibus valeat generare.

Mag. Beda de Joanne dicit: *Etsi principalis sententia constat: quia in multis offendimus omnes; quis tamen nostrum dicere audeat beatum Joannem in actu, vel dicto, vel habitu, vel vici peccasse?* Hæc Beda. Quia ergo Joannes ab omnibus vitiis et mundi ille-cebris, quæ statum mentis solent pervertere, immunis fuit, licite et absque periculo pravitatis (44) vesci carnibus potuit; quippe cui nulla lex eas prohibuerat, qui nullo voto se, ne comedaret, constringerat. Nec tamen hoc exemplum beati Joannis, licet monachus fuerit, communem legem comedendi carnes monachis sanxit. Nam cum in congregatione monachorum major sit numerus imperfectorum quam perfectorum, non a parte minima, id est de

(43) C. Mel., districtioribus.

(44) C. G., puritatis.

A consideratione paucorum, sed de his, quæ multorum, imo universorum subjacent facultati, universalis est eis Regula proponenda. Si quæ vero rarissima, atque a paucissimis possunt impleri, velut supra conditio-nem humanæ fragilitatis naturamque concessa, ac per hoc communem possibilitatem excedentia, a generali lege sunt secernenda, nec tam pro exemplo quam miraculo proferenda. Ideo excepta infirmitate, salubriter statuta est a Patribus perpetua monachis carnium abstinentia; non, quod malum sit comedere eas, præsertim his, qui norunt, quando, quare, quantumve refici debeat vel expeditat; sed propter imperfectos, qui nondum modum ventri suo possunt ponere; et qui needum abundare et penuriam pati cum Apostolo didicerunt. Hæc communis lex abstinenti ideo indicta est, ne comedendi licentia indulta aliis et aliis denegata, fiat causa murmurationis et comissionis.

Disc. Vehementer assentior, et id te paulo ante dicturum, tenui licet suspicione, prospexi. Restat ergo, ut ad propositum, a quo paulo ante, me compellente, digressus es, redeas.

Mag. Indulget tibi Deus, quod tantum mihi laborem imposuisti.

Disc. Virtus non in otio, non in deliciis, non in securitate, sed in infirmitate perficitur.

Mag. Quare ista sententia eos non arguis, quorum omnis ad explendam carnis vel sagina corporalem (45) lacunam festinat intentio?

Disc. Quis de cætero non spernat atque confundat vilissimæ fragilissimæque rei, corporis servum? Quis carnis curam in desideriis faciat, cuius appetititia quidem plena est anxietatis, satis et vero poenitentiae? Quis non audiat Paulum dicentem: *Non est regnum Dei esca et potus* (Rom. xiv). Item: *Esca ventri, et venter escis; Deus autem et hunc et hanc destruet* (I Cor. vi).

Mag. Benedictus Deus, quod super carnis vel saginæ abstinentia, tam vera et tam salubris tibi illuxit sententia.

Disc. Quia ergo ex rationum tuarum scintillula, vitalem calorem mihi illuxisse congratularis, dic, quæ adhuc deesse memineris.

Mag. Imo tanto agilior et facundior ero in di-cendo, quanto te magis docilem et capacem video in audiendo, et devotiorem spero auditæ implendo. Quibus ergo rationibus accedam ad voluntarium et necessarium statum distinguendum, quod paulo superius interrupisti, diligenter attende. Res quælibet, quæ ante votum singulis hominibus est licita, post votum fit illicita. Verbi gratia: Si quis aliquem ante votum ad abstinentiam carnis invitat, rem quidem dignam remuneratione acquiescenti et perseveranti persuadet. Sed qui non acqueverit, licet maneat faciente inferior, non tamen fit se ipso de-terior; sed si a voto ceciderit, fit se ipso inferior et

(45) C. G., lasciviam.

deterior. Itaque ante votum est deliberandum; post votum vero perseverandum. Postquam enim ad hanc abstinentiam si quis voto astrinxerit, sit necessarium et penale, si non teneatur; ad quod, nimirum, tanquam voluntarium, ante hanc obligationem, non cogebatur. Abstinere autem se a carnis pollicetur, quisquis juxta Regulam beati Benedicti, vitam suam se velle instituere propositetur: cum auctoritas tanti ducis et praceptoris hanc abstinentiam ita indubitanter sanciat; ut hanc observare, pie volentibus vivere, necessitas incumbat. Non enim consilium est, quod præteriri sine culpa potest ante votum, licet laudem non mereatur; sed præcepti institutio, quod sine culpa post votum nemo prævaricatur. Unde est illud: *Si quid roveris Domino, ne moreris reddere; quia requiret illud a te Dominus Deus tuus (Eccle. v).* Quæ ergo prius voluntarie voventur, post votum necessaria requiruntur et debentur. Unde aut quisque professor saepdicitæ abstinentiæ hanc spontanea voluntate exsequitur, aut reus voti ad hujus observantiam vigore regularis discipline redire juste compellitur. Non enim mala voluntas, teste Augustino, suæ semper permittenda est libertati; sed, ubi potestas datur, et a malo prohibenda, et ad bonum est cogenda: quemadmodum filii Israel resistentes et murmurantes duris flagellis affligebantur, et ad terram promissionis compellebantur.

Disc. Confiteor, nunc me indubitanter cernere quæ dudum videbantur incerta. Unum nunc, quod superest, oro, facias; ut videlicet nos responsibus tuis, velut quodam inexpugnabili scuto, contra filios procures armare, qui nobis obloquentes, licet auctoritate deficienes, humanis quidem rationibus armata sed tamen infecunda facundia nituntur nos expugnare. In multitudine enim peccantium culpam suam extenuari et palliari posse putantes, seque ipsos noxia assentatione palpantes, ita occurunt nobis hæc objicientes, quasi lapide frontem nostram conterentes. Nimium, inquiunt, effluxit tempus, quo durat hæc nostra consuetudo; et sub hac multi religiosi viri ex hac vita migraverunt; et ideo usus moresque longævi legem jam imitantur.

Mag. Quod dicunt, quia auctorati sacrae Scripturæ non innititur, eadem facilitate contemnitur, qua astruitur. Dicitur enim eis e diverso, quia quantumlibet longo tempore duret emendanda consuetudo; tamen si justitiae satisfactum erit, non ideo stabilis perstare debet, et inconvulta. Populus enim Hebraeorum, licet sedens super ollas carnium, sub durissima tamen Ægyptiorum regum pressura, in gravi scilicet opere lateris ac luti quadringentis annis serviens sudavit; quem tandem Deus visitans, ut in solitudine quietis, cœlestibus deliciis animum jugiter posset pascere, quomodo et quando voluit, liberavit. Sic in metropoli Chaldæorum ca-

A ptivatus per septuaginta annos sub duro servitutis fasce gemebat; quem tamen Dominus, ubi venit tempus miserendi ejus, natali solo et optatæ libertati reddebat. Sic nos quoque a paterna traditione per subreptionem et incuriam abducti, tandem Deo propitio, ad antiquissimæ abstinentiæ exemplar suum reducti. Frustra ergo ad stabiliendam suam carnalem consuetudinem sibi carnales de temporis prolixitate, et suæ dissuetudinis blandiantur antiquitate.

Quod vero sua hæc prava consuetudo refragetur consuetudini honestæ antiquissimorum cœnobiorum (46) Ægypti et Palestinae provinciæ (de quibus quasi quodam purissimo fonte, quidquid regularis discipline habemus, manavit) licet superius copiosissime sit demonstratum, tamen et ex hoc astruere possumus quod vel nusquam, vel vix usquam in aliquo præfatarum regionum cœnobia, adhuc hujusmodi dissuetudo tenetur. Si vero hæc misera consuetudo adhuc in aliquo prædictarum provinciarum monasterio invenitur, quæ tam latu per nostrarum partium cœnobia inolevisse cernitur; dicimus, quia generali, et in veritate antiquissimorum Patrum consuetudini, paucorum modernorum non debet præponi vel præjudicare emendanda dissuetudo. Nam, licet illa reproba consuetudo apud modernos pene omnes celebris habeatur; dicimus tamen ex verbis Augustini: *Quia ratio consuetudini anteponenda est paucorum modernorum, cui tamen exempla concordant omnium antiquorum.*

Et ut rationi et exemplis legem concordare doceamus, beati Cypriani sententiam in medium profèramus; ut adversariorum objectiones irrefragabili auctoritate suffocemus. *Quælibet, inquit, consuetudo, quantumvis vetusta, quantumvis vulgata, veritati omnino est postponenda: et usus, qui veritati est contrarius, abolendus.* Unde Isidorus in *Synonymis* libro secundo: *Usus auctorati cedat; pravum usum lex et ratio vincat.* Augustinus quoque *De unico baptismo* libro vii: *Veritate manifestata cedat consuetudo veritati.* Plane quis dubitet veritatem consuetudini cedere? Item: *Nemo consuetudinem rationi et veritati præponat, quia consuetudinem ratio et veritas semper excludit.* Item idem ad Casulanum presbyterum: *Omnia talia, inquit, quæ nec sanctarum continentur Scripturarum auctoritatibus, nec episcoporum conciliis statuta reperiuntur, nec consuetudine universalis Ecclesiæ roborata sunt, resecanda sunt.* Item de eodem Gregorius VII Wimundo Aversano episcopo (47): *Si consuetudinem fortassis opponas, advertendum fuerat, quod Dominus dicit: «Ego sum veritas (Joan. xix).» Non ait: Ego sum consuetudo, sed «veritas.» Codicum libro, titul. ii: Consuetudines ususque longævi non vilis auctoritas. Verum non usque adeo valitura memento, ut aut rationem via-*

(46) C. G., monachorum.

(47) C. Mel., Wimundo Ausano ep. Cod. Gem.

cant aut legem. Hinc Nicolaus papa Hincmaro Rhe-morum archiepiscopo : *Mala consuetudo non minus, quam perniciosa corruptela vitanda est; quæ nisi citius radicitus evellatur, in privilegiorum jus a malis assumitur; et incipiunt prævaricationes et variæ præsumptiones, celerrime non compressæ legibus vennerari, et privilegiorum more perpetuo celebrari.*

His igitur et alia auctoritatibus freti, constanter asserimus, consuetudinem monachorum (qua excepta reparatione virium post gravem segritudinem, sibi indulgent esum eujuslibet carnis vel saginæ, quod pene unum et idem est) et legi et rationi, exemplis quoque antiquissimorum Patrum esse contraria, et ideo falce justitiae resecandam. Si autem illi, qui contraria suadent et agunt, verioribus et præpollentioribus documentis ea licere possunt approbare (quod non credimus) quæ nos illicita esse monstravimus; æquum esset, si rectiora docentibus, salubriora agentibus et auditum et as sensum efficaciter accommodaremus. Quia vero id

A facere non sufficient; sapiunt, si nostram sententiam recipiunt; quia qui aliquid reliquerit extra veritatem, nihil invenit nisi falsitatem.

Disc. Vehementer assentio; nec unquam fuerit dies, quæ me ab hujus sententiæ veritate repellat.

Mag. *Non nobis, Domine, non nobis, sed nomini tuo da gloriam (Psal. cxlii).* Hæc non ut adversariis, sed ut amicis scripsimus; nec inventi sumus in eos, qui in comeditione saginæ hactenus ignoranter deliquerunt; sed ne delinquent, monemus. Nec in illos tantum, sed et in nos ipsos severi judices fuimus. volentesque festucam de oculo alterius tollere, nostram prius trabem ejecimus. Neminem designata persona noster sermo pulsavit. Generalis B fuit disputatio de vitio hoc. Sed qui mihi irasci (voluerint) pro reprehensione eorum, qui sani saginam præsumunt pro eo quod sint carnales (48), ipsi se perdunt.

Explicit Dialogus bonus per manus Georgii, etc.

(48) Uterque C. priusquam sint carnal.

LUDUS PASCHALIS DE ADVENTU ET INTERITU ANTICHRISTI

In scena sæculo XII exhibitus.

(D. Bern. PEZIUS, *Thesaur. Anecdota*, tom. II, parte II, col. 185, ex cod. ms. Tegernseensi.)

MONITUM.

In notis ad cap. 23 Vitæ venerabilis Wilburgis, seu Wilbirgis, reclusæ, anno 1715 Augustæ Vindelicorum a nobis in 4° editæ, ubi quadam nocte Dominice resurrectionis, cum in monasterio [Florianensi] *Ludus Paschalis tam a clero quam a populo ageretur, quia eidem non potuit corporaliter interesse, dicitur virgo Christi capisse desiderare ut ei Dominus aliquam specialis consolationis gratiam per resurrectionis suæ gaudia largiretur, observavimus videri hunc Ludum suis veluti theatram quamdam repræsentationem, qua Christi resurgentis gloria ad ciendum fidelium devotionem pie exhiberetur, uti hodieque Christi Nativitas et Passio diversis figuris et scenis in non paucis catholicorum locis ob fidelium oculos reducuntur.* Sed quod tunc opinati et suspicati tantum suimus, visis postea et reportis ejusmodi *Paschalium Ludorum* pluribus exemplis, certissimum esse comperimus. Insignis in his est *Ludus Paschalis* in codice Claustroneburgensis canonizæ quingentorum annorum, in quo resurrectionis Dominicæ historia perelegant ac pio drame proponitur. Incipit in hunc modum : *Primo producatur Pilatus cum responsorio : « Ingressus Pilatus. » Et sedeat in locum sibi prædeterminatum. Post hæc.... pontifices cantant : « O Domine, recte meminimus, quod a turba saepè audivimus, seductorem consuetum dicere : « Post tres dies volo resurgere. » Respondet Pilatus : « Sicut mihi dictat discretio, » etc. In fine : « Et populus universus jam certificatus de Domino, cantor sic imponit : « Christ Der ist erstauden, » etc. Nec solum in sacris his scenis mysteria passionis, resurrectionis, etc., Christi Domini repræsentabantur, sed etiam sacræ aliæ historiæ, quarum tamen epilogus plerumque Christi triumphantis gloriam spectabat. Illustræ hujus rei exemplum iste ipse *Ludus Paschalis de adventu et interitu Antichristi*, quem ex sæculi XII codice Tegernseensi emittimus, præbet, ex quo præterea discimus quæ fuerit Germanorum et Francorum de Romanorum imperatoris potestate ac amplitudine sententia, ut alia plura tum majorum nostrorum scenam, tum opinionem de modo adventus spectantia, quæ ex hoc monumento elici possunt, taceamus. Ei perliberant *Ludum Paschalem* Claustroneburgensem adjunxissemus, nisi preces et litteræ, in quibus aliqd ejus apographum magno studio requisivimus, irritæ fuissent.*